

2008 nr. 93 12. júní

Lög um framkvæmd alþjóðlegra þvingunaraðgerða

Tóku gildi 24. júni 2008. *Breytt með l. 126/2011 (tóku gildi 30. sept. 2011) og l. 81/2015 (tóku gildi 23. júlí 2015).*

Ef í lögum þessum er getið um ráðherra eða ráðuneyti án þess að málfrasvið sé tilgreint sérstaklega eða til þess við, er átt við **utanríkisráðherra** eða **utanríkisráðuneyti** sem fer með lög þessi.

■ 1. gr. *Markmið.*

□ Tilgangur laga þessara er að mæla fyrir um framkvæmd þvingunaraðgerða sem ákveðnar eru af öryggisráði Sameinuðu þjóðanna á grundvelli 41. gr. sáttmála Sameinuðu þjóðanna, af alþjóðastofnunum eða af ríkjahópum til að viðhalda friði og öryggi og/eða til að tryggja virðingu fyrir mannréttindum og mannfrelsi.

■ 2. gr. *Þvingunaraðgerðir öryggisráðs Sameinuðu þjóðanna.*

□ Ríkisstjórnin skal gera þær ráðstafanir sem eru nauðsynlegar til þess að framkvæma ályktanir sem öryggisráð Sameinuðu þjóðanna samþykkir skv. 41. gr. sáttmála Sameinuðu þjóðanna og Íslandi er skylt að hlíta vegna aðildar sinnar að þeim. Kynna skal sliðkar ráðstafanir með reglulegum hætti fyrir utanríkismálaneftnd Alþingis.

■ 3. gr. *[Þvingunaraðgerðir alþjóðastofnana o.fl.*

□ Ríkisstjórninni er heimilt, að höfðu samráði við utanríkismálaneftnd Alþingis, sbr. lög um þingskóp Alþingis, að taka þátt í og gera þær ráðstafanir sem eru nauðsynlegar til þess að framkvæma ákvæðanir alþjóðastofnana, ríkjahópa eða samstarfsríkja um þvingunaraðgerðir sem miða að því að viðhalda friði og öryggi og/eða tryggja virðingu fyrir mannréttindum og mannfrelsi.]¹⁾

¹⁾ L. 81/2015, 3. gr.

■ 4. gr. *Framkvæmd þvingunaraðgerða.*

□ Heimilt er að innleiða fyrirmæli ályktunar um þvingunaraðgerðir skv. 2. og 3. gr. með reglugerð.¹⁾ Í þeim tilgangi getur reglugerð mælt fyrir um:

- a. bann við viðskiptum og fjárfestingum,
- b. bann við inn- og útflutningi, þ.m.t. á vopnum,
- c. frystingu á fjármunum og öðrum eignum,
- d. bann við samskiptum, þar á meðal fjarskiptum og menningarsamskiptum,
- e. bann við ferðum einstaklinga og farartækja,
- f. bann við að veita þjónustu og þjálfun,
- g. bann við að veita efnahagsaðstoð og tæknilega aðstoð,
- h. bann við starfsemi og þátttöku í atvinnulífi, og
- i. aðrar hliðstæðar aðgerðir sem ákveðnar eru til að viðhalda friði og öryggi og/eða til að tryggja virðingu fyrir mannréttindum og mannfrelsi.

□ Í reglugerð skal taka fram um hvaða ályktun sé að ræða, þær þvingunaraðgerðir sem koma eiga til framkvæmda og gegn hverjum þær beinast.

□ [Nú er gefinn út listi yfir aðila, hluti, tækni eða annað viðfang þvingunaraðgerða og er þá heimilt að birta erlendan frumtexta listans í B-deild Stjórnartíðinda, að vísa til hans á vefsetri öryggisráðs Sameinuðu þjóðanna eða í Stjórnartíðindum Evrópusambandsins eða að birta hann á vefsetri utanríkisráðuneytisins og telst það lögmað birting.]²⁾

□ [Ráðuneytið]³⁾ skal halda skrár um þvingunaraðgerðir sem eru í gildi hér á landi og gegn hverjum þær beinast.

□ [Ráðherra er heimilt að banna viðskipti með hrádemanta

frá átakasvæðum og tól sem nota má til pyntinga eða við framkvæmd dauðarefsingar.]²⁾

¹⁾ Rg. 97/2012, sbr. 1101/2013, 817/2015 og 505/2016. Rg. 1100/2013, sbr. 897/2014. Rg. 281/2014, sbr. 287/2014, 330/2014, 522/2014, 764/2014, 772/2014, 935/2014, 75/2015, 745/2015 og 395/2016. Rg. 384/2014, sbr. 275/2015, 786/2015, 91/2016 og 506/2016. Rg. 448/2014, sbr. 295/2015 og 67/2016. Rg. 456/2014, sbr. 763/2014, 276/2015 og 495/2016. Rg. 567/2014, Rg. 626/2014, sbr. 804/2015. Rg. 760/2014, sbr. 1011/2015 og 492/2016. Rg. 765/2014, sbr. 494/2016. Rg. 143/2015, sbr. 1020/2015. Rg. 160/2015, sbr. 496/2016. Rg. 277/2015, sbr. 93/2016. Rg. 283/2015, sbr. 503/2016. Rg. 290/2015, Rg. 291/2015, sbr. 95/2016. Rg. 744/2015, sbr. 504/2016. Rg. 792/2015, sbr. 97/2016. Rg. 800/2015. Rg. 804/2015. Rg. 831/2015, sbr. 94/2016. Rg. 835/2015. Rg. 851/2015. Rg. 880/2015, sbr. 96/2016. Rg. 887/2015, sbr. 516/2016. Rg. 900/2015. Rg. 908/2015, sbr. 493/2016. Rg. 92/2016. Rg. 361/2016. ²⁾ L. 81/2015, 4. gr. ³⁾ L. 126/2011, 494. gr.

■ 5. gr. *Réttindi og skyldur sem fara í bága við þvingunaraðgerðir.*

□ Óheimilt er að efna samninga, eða fullnægja öðrum réttindum og skyldum, sem fara í bága við þessi lög og reglugerðir settar með stod í þeim. Petta á við hvort sem þessi réttindi og skyldur stofnuðust fyrir eða eftir gildistöku viðkomandi reglugerðar nema annað sé tekið fram í henni.

□ Vanefnd á réttindum og skyldum skv. 1. mgr. skal ekki leiða af sér skaðabótaskyldu.

■ 6. gr. *Úrræði gegn aðila sem þvingunaraðgerð beinist gegn.*

□ Þrátt fyrir að grunur liggi ekki fyrir um refsivert athæfi er heimilt að hefja rannsókn samkvæmt ákvæðum laga um meðferð opinberra mála á aðila sem þvingunaraðgerð beinist gegn. Markmið rannsóknar er að afla allra nauðsynlegra gagna sem lúta að viðfangi þvingunaraðgerðarinnar, t.d. vopnum, fjármunum og öðrum eignum.

■ 7. gr. *Brottfall ályktunar.*

□ Sé ályktun öryggisráðs Sameinuðu þjóðanna, alþjóðastofnunar eða ríkjahóps um þvingunaraðgerðir afturkölluð, fallin úr gildi eða eigi hún ekki lengur við skal ráðherra svo fljótt sem verða má fella úr gildi reglugerð sem kemur ályktuninni til framkvæmda.

■ 8. gr. *Undanþágur frá þvingunaraðgerð.*

□ Ráðherra getur veitt undanþágur frá þvingunaraðgerð sem framkvæmd er með heimild í þessum lögum þegar gildar ástæður eru fyrir hendi. Heimilt er að setja skilyrði fyrir undanþágú til þess að tryggja að með henni sé ekki grafið undan eða komist fram hjá markmiði þvingunaraðgerðarinnar.

■ 9. gr. *Afskráning af lista.*

□ Íslenskir ríkisborgarar, einstaklingar búsettar á Íslandi og lögaðilar sem eru skráðir eða stofnaðir samkvæmt íslenskum lögum, sem telja sig ranglega tilgreinda á lista yfir aðila sem þvingunaraðgerð beinist gegn, geta borið upp við ráðherra rökstutt og skriflegt erindi um að vera fjarlægðir af listanum. Ráðherra skal leiðbeina viðkomandi um þau úrræði sem eru fyrir hendi. Þá getur ráðherra ákvæðið að leggja fram beiðni hjá þar til bærum aðilum um að viðkomandi verði fjarlægður af listanum. Við slíka ákvörðun skal ráðherra gæta ákvæða stjórnsýslulaga.

■ 10. gr. *Viðurlög.*

□ Sá sem brýtur gegn boði eða banni sem mælt er fyrir um í reglugerð skv. 1. mgr. 4. gr. skal sæta sektum eða fangelsi allt að fjórum árum, nema þyngri refsing liggi við samkvæmt öðrum lögum. Sé brotið stórfellt varðar það sektum eða fangelsi allt að sex árum.

□ Hafi brot sem vísað er til í 1. mgr. verið framið af stórfelldu gáleysi varðar það sektum eða fangelsi allt að einu ári.

□ Þegar brot er framið í starfsemi lögaðila og í þágu hans má gera honum sekt án tillits til þess hvort sök verður sönnuð að fyrirsvarsmann eða starfsmann lögaðilans. Hafi fyrir-

svarsmaður eða starfsmaður gerst sekur um brot má samhliða ákvörðun um refsingu þeirra gera lögaðilanum sekt ef brotið var í þágu hans.

□ Gera má upptæka hluti, samkvæmt ákvæðum almennra hegningarlaga, sem hafa verið notaðir við brot, hafa orðið til við brot eða með öðrum hætti tengjast frammingu brots. Þá má gera upptækan ávinnung af broti eða fjárhæð sem svarar til hans í heild eða að hluta.

□ Tilraun og hlutdeild í brotum á reglugerðum settum samkvæmt lögum þessum er refsiverð samkvæmt almennum hegningarlögum.

□ Hafi ályktun öryggisráðs Sameinuðu þjóðanna, alþjóðastafnunar eða ríkjahóps um þvingunaraðgerðir verið afturkölluð eða sé hún fallin úr gildi þegar brot er framið verður refsingu ekki beitt samkvæmt þessum lögum.

■ 11. gr. Gildissvið.

□ Lög þessi taka til íslenskra rkisborgara og útlendinga samkvæmt ákvæðum almennra hegningarlaga um refsilögsgögu, en gera að auki íslenskum rkisborgurum refsíabyrgð fyrir verknað sem þeir fremja erlendis þrátt fyrir að verknaðurinn sé ekki refsiverður samkvæmt lögum þess rkis þar sem brotið var framið.

□ Löginn gilda gagnvart lögaðilum sem eru skráðir eða stofnadir samkvæmt íslenskum lögum hvar sem þeir starfa eða eru staðsettir. Nú er lögaðili skráður eða stofnaður erlendis og

taka þá löginn til starfsemi hans að því leyti sem hún á sér í stað innan íslenskrar lögsögu.

■ 12. gr. Nánari reglur.

□ [Ráðherra]¹⁾ fer með framkvæmd laga þessara og er heimilt að setja nánari reglur²⁾ þar að lútandi.

¹⁾ L. 126/2011, 494. gr. ²⁾ Rg. 119/2009 (um framkvæmd alþjóðlegra þvingunaraðgerða), sbr. 298/2010. Rg. 123/2009 (um alþjóðlegar öryggisaðgerðir varðandi gereyðingarvopn), sbr. 325/2009. Rg. 147/2009 (Sierra León), sbr. 544/2011. Rg. 543/2011 (um þvingunaraðgerðir gegn tilteknun aðilum í Túnis). Rg. 870/2011 (Búrma/Myanmar, Egyptaland, Gínea, Íran, Libýa og Sýrland), sbr. 456/2014, 278/2015, 887/2015, 908/2015 og 495/2016. Rg. 97/2012 (Belarús), sbr. 1101/2013, 817/2015 og 505/2016. Rg. 1100/2013 (Afganistan), sbr. 897/2015. Rg. 281/2014 (Úkraína), sbr. 287/2014, 330/2014, 522/2014, 764/2014, 772/2014, 935/2014, 75/2015, 745/2015 og 395/2016. Rg. 384/2014 (Íran), sbr. 275/2015, 786/2015, 91/2016 og 506/2016. Rg. 448/2014 (um aðgerðir gegn hrýðjuverkastarfsemi), sbr. 295/2015 og 67/2016. Rg. 456/2014 (Sýrland), sbr. 763/2014 og 276/2015. Rg. 567/2014 (Gínea-Bissá). Rg. 626/2014 (Súdan og Suður-Súdan), sbr. 804/2015. Rg. 760/2014 (Mið-Afríkulýðveldið), sbr. 1011/2015 og 492/2016. Rg. 765/2014 (Bosnía og Hersegóvína), sbr. 494/2016. Rg. 143/2015 (Cote d'Ivoire (Flabéinsströndin)), sbr. 1020/2015. Rg. 160/2015 (Alþýðulýðveldið Kórea), sbr. 496/2016. Rg. 277/2015 (Guinea), sbr. 93/2016. Rg. 278/2015 (Myanmar). Rg. 283/2015 (Túnis), sbr. 503/2016. Rg. 290/2015 (Eritrea). Rg. 291/2015 (Moldóva), sbr. 95/2016. Rg. 744/2015 (Zimbabwe), sbr. 504/2016. Rg. 792/2015 (Sómálía), sbr. 97/2016. Rg. 800/2015 (Lyðstjórnarlýðveldið Kongó). Rg. 804/2015 (Súdan). Rg. 831/2015 (Libería), sbr. 94/2016. Rg. 835/2015 (Líbanon). Rg. 851/2015 (Irak). Rg. 880/2015 (Jemen), sbr. 96/2016. Rg. 887/2015 (Libya), sbr. 516/2016. Rg. 900/2015 (Suður-Súdan). Rg. 908/2015 (Egyptaland), sbr. 493/2016. Rg. 92/2016 (Burundi). Rg. 361/2016 (um eftirlit með þjónustu og hlutum sem geta haft hernaðarlega þýðingu).

■ 13. gr. Gildistaka.

□ Lög þessi taka þegar gildi. . . .